

**Ed.**

**477. Breytingartillögur**

[49. mál]

við frv. til laga um hlutafélög.

Frá fjárhags- og viðskiptanefnd.

1. Við 1. gr. 3. mgr. orðist svo:  
Í hlutafélagi skal vera hlutafé, sem skipt er í hluti. Hlutaféð skal minnst vera kr. 2 000 000. Hlutir skulu eigi vera færri en fimm.
2. Við 3. gr. 2. og 3. mgr. orðist svo:  
Stofnendur hlutafélags skulu vera fimm hið fæsta. Meiri hluti stofnenda skal hafa haft heimilisfesti hér á landi í minnst tvö ár.  
Stofnendur geta verið einstaklingar, íslenska ríkið og stofnanir þess, sýslu- og sveitarfélög og stofnanir þeirra, skráð hlutafélög, skráð samvinnufélög, skráð sameignarfélög, sem eru sjálfstæðir skattþegnar og sjálfseignarstofnanir, sem eru undir opinberu eftirliti.
3. Við 5. gr.
  - a) C-liður 2. mgr. orðist svo:  
Hámark stofnkostnaðar. Stofnkostnaður, að undanskildum opinberum gjöldum, má þó aldrei nema meiru en 5% af hlutafé. Ráðherra getur veitt undanþágu frá hámarki stofnkostnaðar.
  - b) Síðari málsliður 3. mgr. orðist svo:  
Ennfremur skal fylgja stofnsamningi upphafsefnahagsreikningur félagsins með nauðsynlegum gögnum um, að hagur fyrirtækis þess, sem félagið yfirtekur, hafi ekki rýrnað á tímabilinu frá því, að fyrirtækið var yfirtekið, og að stofnun hlutafélagsins.
4. Við 6. gr.
  - a) 4. tl. 2. mgr. orðist svo:  
Hlutaféð. Í stofnsamningi má ákveða hlutaféð sem þá lágmarksfjárhæð, sem áskrift verður að fást að til þess að unnt sé að stofna félagið, og hærri fjárhæð, sem áskrift má fást að.
  - b) Við bætist ný mgr., sem verði 3. mgr. og hljóði svo:  
Að því marki, sem tilgangur félagsins er ekki að afla hluthöfum fjárhagslegs ávinnings, skal í félagssamþykktum greint, hvernig ráðstafa skuli ágöða og hvernig fara skuli með eignir félagsins við félagsslit.
5. Við 8. gr.  
2. másl. 1. mgr. verður síðasti másl. 1. mgr.
6. Við 9. gr. Í stað orðsins „skuli“ í fyrri málslið 4. mgr. komi orðið: skulu.
7. Við 10. gr. 1. mgr. orðist svo:  
Komi fram á stofnfundi, að ekki hefur fengist áskrift að öllu hlutafé því, sem ákveðið hefur verið, eða þeirri lágmarksfjárhæð, sem áskrift verður að fást að, ef um hana er að ræða, sbr. 4. tl. 2. mgr. 6. gr., má ekki stofna félagið. Það, sem þegar hefur verið greitt af hlutafé, skal þá þegar endurgreiða.
8. Við 11. gr. 2. mgr. orðist svo:  
Eigi má skrá félag nema heildarhlutafé það, sem áskrift hefur fengist fyrir, sé í samræmi við það, er greinir um hlutafé í samþykktum, og þar af skal minnst fjórðungur, sbr. þó 1. mgr. 13. gr., vera greiddur. Sama gildir um það, sem greiða á umfram nafnverð. Aldrei skal minna en kr. 1 000 000 vera greitt við skráningu.
9. Við 13. gr. 1. mgr. orðist svo:  
Greiðsla hlutar má ekki nema minna en nafnverði hans að frádreginni sannanlegri sölubókun allt að 10%.
10. Við 15. gr. Í stað orðanna „innan árs“ í 1. másl. komi orðin: innan þriggja ára.
11. Við 16. gr. Í stað orðsins „ári“ í 1. másl. komi orðin: þremur árum.

12. Við 17. gr. 1. mgr. orðist svo:  
Í hlutafélagi skulu jafnan vera fimm hluthafar hið fæsta.
13. Við 18. gr. Aftan við greinina komi nýr málsliður, svo hljóðandi:  
Hömlur má þó ekki leggja á viðskipti með almenn hlutabréf milli íslenskra aðila í hlutafélögum, þar sem hluthafar eru 200 eða fleiri.
14. Við 20. gr.  
a) Við 1. mgr. bætist: sbr. þó 3. másl. 18. gr.  
b) Í stað orðsins „beiðni“ í 4. másl. 2. mgr. komi orðin: skriflegri beiðni.
15. Við 24. gr. Aftan við orðið „hluthafar“ í 5. mgr. bætist: og stjórnvöld.
16. Við 27. gr. Í stað orðsins „endurskoðanda“ í c-lið 2. mgr. 27. gr. komi orðið: endurskoðenda.
17. Við 28. gr. 1. másl. 4. mgr. orðist þannig:  
Hluthafafundur getur með því atkvæðamagni, sem kveðið er á um í 73. gr., ákveðið að víkja frá þeirri reglu, er greinir í 1. mgr., enda sé hluthöfum á engan hátt mismunað.
18. Við 30. gr. Úr 3. mgr. falli niður eftirfarandi orð: „rétt til arðs og önnur“.
19. Við 34. gr. 1. másl. 2. mgr. orðist svo:  
Hafi hið ákveðna lágmark hlutafjárauka verið skráð á réttum tíma og minnst fjórðungur hans greiddur, sbr. þó 1. mgr. 13. gr., að viðbættum minnst fjórðungi þess, sem greiða á umfram nafnverð, skal tilkynna hlutafélagaskrá hlutafjárupphæð þá, sem skráð hefur verið, stjórn hefur samþykkt og ekki ógilt samkvæmt ákvæðum 16. gr., ásamt þeirri fjárhæð, sem þegar hefur verið greidd fyrir hlutina.
20. Við 35. gr. Úr 1. másl. 2. mgr. falli orðin „og lágmark“.
21. Á eftir V. kafla komi nýr kafli, er verði VI. kafla, 39.—41. gr., með fyrirsögninni: **Lántaka með sérstökum skilmálum**, og breytist töluröð kafla og greina í samræmi við það þannig, að VI.—XIX. kafla verða VII.—XX. kafla og 39.—84. gr. verða 42.—87. gr. og 85.—160. gr. verða 88.—162. gr., sbr. og 42. lið. Greinar þessa nýja kafla orðist svo:

#### 39. gr.

Hluthafafundur getur ákveðið með þeim meiri hluta atkvæða, sem krafist er til breytinga á samþykktum, að félagið taki skuldabréfalán, er veiti lánardrottinn rétt til þess að breyta kröfu sinni á hendur félaginu í hluti í því. Slíkt lán má ekki nema hærrí fjárhæð en helmingi hlutafjárins eins og það er á þeim tíma, þegar ákvörðun er tekin.

Í samþykkt hluthafafundar samkvæmt 1. mgr. skal taka fram um lánskjör og reglur um breytingu kröfunnar í hluti í félaginu. Þar skal einnig kveða á um réttarstöðu lánardrottins, ef hlutafé er hækkað, lækkað, gefin út ný breytanleg skuldabréf, félagi slitið, þ. á m. með samruna, áður en kröfunni er breytt í hluti. Um ákvörðunina og forgangsrétt til áskriftar gilda ákvæði 27.—28. gr., 1.—5. tl. 1. mgr., 2. mgr. og 3. mgr. 30. gr. og 31. gr.

Í samþykkt samkvæmt 1. mgr. skal hluthafafundur veita stjórn félags heimild til þess að hækka hlutafé um þá fjárhæð, sem leiðir af breytingu skuldabréfanna í hluti. Í heimildinni skal taka fram um þau efni, sem greinir í 2. og 7. tl. 1. mgr. og 2. mgr. 30. gr.

Ef fjárhæð sú, sem greidd er fyrir skuldabréf, er lægri en nafnverð þess hlutar eða hluta, sem breyta má skuldabréfinu í samkvæmt lánskjörum, má breytingin því aðeins fara fram, að mismunurinn sé greiddur félaginu eða jafnaður með frjálsu eigin fé þess.

#### 40. gr.

Samþykkt samkvæmt 39. gr. skal tilkynna innan tveggja vikna til hlutafélagaskrár. Í tilkynningu skal greina fjárhæð þá, sem hækka má hlutaféð um, og innan hvaða frests breyta verður skuldabréfi í hluti.

Þegar frestur samkvæmt 1. mgr. er liðinn, skal stjórn félagsins þegar í stað tilkynna hlutafélagaskránni, hversu mörgum skuldabréfum hefur verið breytt í hluti. Ef fresturinn er lengri en eitt ár, skal stjórnin eigi síðar en mánuði eftir lok hvers reikningsárs tilkynna, hversu mörgum skuldabréfum hafi verið breytt í hluti á árinu. Þegar tilkynnt hefur verið um breytinguna, telst hlutaféð hækkað um fjárhæð, er nemur samanlögðu nafnverði þessara hluta.

Breytingar á samþykktum, sem leiðir af hlutafjárhækkuninni, má félagsstjórn gera.

#### 41. gr.

Hluthafafundur eða félagsstjórn að fenginni heimild hluthafafundar getur ákveðið að taka lán gegn skuldabréfum með vöxtum, sem miðast að öllu leyti eða hluta við þann arð, sem greiddur er hluthöfum, eða við árságóða, enda sé gætt ákvæða laga og fyrirmæla um vaxtaákvæðanir.

22. Við 44. gr. (verður 47. gr.) Aftan við 2. mgr. bætast svofelld ákvæði:  
Ákveða má í félagssamþykktum, að stjórnendur skuli kosnir hlutfallskosningu eða margfeldiskosningu. Ef hluthafar, sem ráða yfir minnst 1/4 hlutafjárins, krefjast þess, skal beita hlutfallskosningu eða margfeldiskosningu við kjör stjórnarmanna félagsins. Krafa um þetta skal hafa borist stjórn félagsins minnst fimm dögum fyrir hluthafafund.
23. Við 46. gr. (verður 49. gr.). Í stað „kr. 10 000 000“ í 1. og 2. mgr. komi: kr. 30 000 000.
24. Við 48. gr. (verður 51. gr.). Síðasti málsliður greinarinnar fellur niður.
25. Við 49. gr. (verður 52. gr.). 3. mgr. greinarinnar orðist svo:  
Félagsstjórn skal annast um, að nægilegt eftirlit sé haft með bókhaldi og meðferð fjármuna félagsins. Ef ráðinn er framkvæmdastjóri, skal hann sjá um, að bókhald félagsins sé fært í samræmi við lög og venjur og meðferð eigna félagsins sé með tryggilegum hætti.
26. Við 51. gr. (verður 54. gr.). 1. mgr. greinarinnar orðist svo:  
Félagsstjórn skal kjósa sér formann. Ef atkvæði eru jöfn, ræður hlutkesti. Ekki má kjósa framkvæmdastjóra félags sem formann í félögum, þar sem hlutaféð er kr. 30 000 000 eða meira.
27. Við 52. gr. (verður 55. gr.). 2. másl. 1. mgr. orðist svo:  
Mikilvæga ákvörðun má þó ekki taka án þess, að allir stjórnarmenn hafi haft tæk á því að fjalla um málið, sé þess kostur.
28. Við 53. gr. (verður 56. gr.). Aftan við greinina bætist svofellt ákvæði:  
Skylt er stjórnarmanni og framkvæmdastjóra að upplýsa um slík atvik.
29. Við 54. gr. (verður 57. gr.).
  - a) Aftan við 1. málslið 1. mgr. bætist eftirfarandi:  
Ef fulltrúanefnd er kjörin, skal með ákvæðum í samþykktum nánar kveða á um vald hennar og starfssvið.
  - b) 2., 3. og 4. málsliður 3. mgr. falli niður.
30. Við 59. gr. (verður 62. gr.). 1. mgr. greinarinnar orðist svo:  
Aðalfundur ákveður árlega laun stjórnarmanna og fulltrúanefndarmanna.
31. Við 60. gr. (verður 63. gr.). Síðari málsliður 3. mgr. falli niður.
32. Við 61. gr. (verður 64. gr.). Við 2. mgr. greinarinnar bætist:  
Umboð má hvenær sem er afturkalla.
33. Við 64. gr. (verður 67. gr.).
  - a) Í stað orðanna „sex mánaða“ í 1. mgr. komi orðin: níu mánaða.
  - b) Í stað „1/10 hlutafjárins“ í 3. mgr. komi: 1/5 hlutafjárins.
34. Við 68. gr. (verður 71. gr.). Í stað orðsins „endurskoðanda“ í 4. mgr. komi orðið: endurskoðenda.
35. Við 69. gr. (verður 72. gr.). 1. málsliður greinarinnar orðist svo:  
Mál, sem ekki hafa verið greind í dagskrá, er ekki unnt að taka til úrlausnar í hluthafafundi nema með samþykki 2/3 hluta mættra hluthafa.

36. Við 70. gr. (verður 73. gr.). 4. mgr. orðist svo:  
 Þegar fundur hefur verið settur, skal gerð skrá yfir hluthafa og umboðsmenn hluthafa, er fund sækja, til þess að ljóst sé, hversu mörgum hlutum og atkvæðum hver þeirra ræður yfir. Skrá þessi skal notuð þar til hluthafafundur kann að breyta henni.
37. Við 71. gr. (verður 74. gr.). Í stað orðsins „reikningum“ í 1. mgr. komi orðið: ársreikningi.
38. Við 77. gr. (verður 80. gr.). Greinin orðist svo:  
 Á aðalfundi skal kjósa endurskoðendur, tvo eða fleiri, í samræmi við samþykktir félagsins. Í félögum, sem kjósa löggilta endurskoðendur eða endurskoðunarfélag, skulu endurskoðendur vera einn eða fleiri. Aðalfundur getur einnig kosið varaendurskoðendur. Í samþykktum félagsins má ákveða, að einn eða fleiri endurskoðendur, en ekki allir, skuli tilnefndir á annan hátt.  
 Hafi tillaga um kosningu endurskoðanda verið felld á aðalfundi og hluthafahópur, sem ræður minnst  $1/5$  hlutafjár, krefst þess á aðalfundi, þar sem endurskoðendur skal kjósa, skal stjórn félags fara þess á leit við ráðherra, að hann nefni til einn endurskoðanda, er starfi að endurskoðun reikninga félagsins ásamt kjörnum endurskoðendum kjörtímabil þeirra. Ef stjórn félagsins hefur ekki komið ósk þessari á framfæri innan tveggja vikna frá aðalfundi, getur hver hluthafi borið fram ósk þessa við ráðherra. Telji ráðherra nægilegar ástæður til þess að verða við óskinni, skal hann nefna til löggiltan endurskoðanda. Þóknun til þess endurskoðanda, er ráðherra tilnefnir, er háð samþykki hans og skal félagið greiða hana.
39. Við 79. gr. (verður 82. gr.).  
 a) 1. mgr. greinarinnar orðist svo:  
 Í hlutafélögum með hlutafé að fjárhæð 30 000 000 króna eða þar yfir eða hafa fleiri en 100 starfsmenn (ármenn) eða þegar skuldir og bundið eigið fé nemur samtals 500 000 000 króna eða þar yfir, skal að minnsta kosti einn endurskoðanda, sem kosinn er á aðalfundi, vera löggiltur. Þegar ljóst er við stofnun félagsins eða upphaf rekstrar, að einhverjum framangreindum mörkum verði þegar náð, skal regla 1. málsliðar gilda frá þeim tíma, en annars skal við það miða, að skuldir og bundið eigið fé hafi náð framangreindum mörkum í ársreikningi tveggja síðast liðinna reikningsára eða starfsmenn hafi verið fleiri en 100 tvö síðast liðin reikningsár.  
 b) Í stað „1/10“ í 3. mgr. komi:  $1/5$ .
40. Við 80. gr. (verður 83. gr.).  
 a) Í stað orðsins „stjórnarmanns“ í 2. másl. 1. mgr. komi orðin: formanns stjórnar.  
 b) Í greinina bætist ný mgr. er verði 2. mgr. og orðist svo:  
 Endurskoðandi hlutafélags má ekki vera í þjónustu stjórnarmanns félagsins.  
 c) Í stað orðsins „skuldskeyttur“ í 3. mgr. komi orðið: skuldugur.
41. Við 83. gr. (verður 86. gr.). 1. mgr. greinarinnar orðist svo:  
 Endurskoðendur skulu í samræmi við góða endurskoðunarvenju endurskoða ársreikninginn og í því sambandi kanna bókhaldsgögn félagsins og aðra þætti, er varða rekstur þess og stöðu.
42. Við 85. og 86. gr. (verða 88. og 89. gr.). Núverandi 85. gr. og 86. gr. verði sameinaðar í eina grein (verður 88. gr.) svo hljóðandi:  
 Endurskoðendur skulu gera endurskoðunarskýrslu, sem leggja skal fyrir aðalfund. Skýrslan skal vera komin í hendur stjórnar í síðasta lagi tveim vikum fyrir aðalfund.  
 Í endurskoðunarskýrslunni skal felast yfirlýsing um, að ársreikningurinn hafi verið endurskoðaður. Þá skal fram koma skoðun endurskoðanda á því, hvort ársreikningur og samsvarandi samstæðureikningur séu samdir í sam-

ræmi við ákvæði laga, reglna og samþykktir félagsins, svo og greinargerð um niðurstöður endurskoðunarinnar að öðru leyti. Ef endurskoðendur eru þeirrar skoðunar, að ekki beri að samþykkja ársreikninginn, skulu þeir taka það fram sérstaklega.

Séu ekki í ársreikningi þær upplýsingar, sem fram eiga að koma um rekstur félagsins og fjárhagslega stöðu þess að öðru leyti, eða ef endurskoðendur í móðurfélagi telja vanta nauðsynlegar upplýsingar um viðskipti dótturfélags, skulu endurskoðendur geta þess og gefa nauðsynlegar viðbótarupplýsingar í skýrslu sinni, ef kostur er. Ef endurskoðendur hafa komist að raun um við endurskoðun, að atvik liggi fyrir, sem haft geti ábyrgð í för með sér fyrir stjórnarmenn eða framkvæmdastjóra, skulu þeir geta þess í skýrslunni. Að öðru leyti geta endurskoðendur skýrt frá heim atriðum í skýrslu sinni, sem þeir telja rétt, að hluthafar fái vitneskju um.

43. Við 87. gr. (verður 89. gr.). Greinin orðist svo:

Ábendingar og athugasemdir, sem endurskoðendur vilja koma á framfæri við stjórn eða framkvæmdastjóra, skal skrá í sérstaka endurskoðunarbók eða færa fram skriflega á annan hátt. Stjórnin varðveitir gögn þessi á öruggan hátt.

44. Við 88. gr. (verður 90. gr.). Greinin orðist svo:

Endurskoðendur hafa rétt til að sitja hluthafafundi félagsins.

45. Við 91. gr. (verður 93. gr.). 3. mgr. greinarinnar orðist svo:

Ársreikningur, og ef við á samstæðureikningur, skal lagður fyrir endurskoðendur eigi síðar en einum og hálfum mánuði fyrir aðalfund.

46. Við 93. gr. (verður 95. gr.). Síðari mgr. orðist þannig:

Ársreikningi skulu fylgja skýringar á einstökum liðum í samræmi við ákvæði þessa kafla, sbr. 102. gr.

47. Við 96. gr. (verður 98. gr.).

a) 1. mgr. orðist svo:

Eigin hlutabréf skulu færð til frádráttar heildarhlutafé. Ef hlutabréfin hafa verið löglega keypt á síðustu tveimur reikningsárum, er heimilt að færa þau til eignar í efnahagsreikningi með verði allt að kostnaðarverði.

b) 5. mgr. orðist svo:

Þóknun og heinan kostnað við töku langtímalána, gengistap, svo og samsvarandi hækkun vegna verðtryggingar slíkra lána er heimilt að eignfæra og afskrifa innan lánstímans, hafi kostnaðurinn ekki verið gjaldfærður strax.

48. Við 102. gr. (verður 104. gr.). Greinin orðist svo:

Í móðurfélagi skal gera samstæðureikning, sem ná skal til sama tímabils og ársreikningur þess.

Samstæðureikningurinn skal hafa að geyma samantekt á ársreikningum móður- og dótturfélaganna, saminn í samræmi við lög og sáða reikningsskilaveniu og með hliðsón af öðrum ákvæðum þessa kafla. Við gerð reikningsins skal fella brott innbvrðis tekiur og arðgreiðslur milli félaga í samstæðunni svo og innbvrðis eignir og skuldir.

Til innbvrðis tekna felst hluti móðurfélags í tekium af eignatilfærslum innan samstæðunnar, svo framfarlega sem eignin hefur ekki þegar verið afskrifuð um samsvarandi fjárhæð í því félagi, sem aflaði hennar.

Ef samsetning samstæðunnar eða aðrar sérstakar aðstæður gera það að verkum, að gerð samstæðureiknings er verulegum vandkvæðum bundin, má víkja frá ákvæðum þessarar greinar.

49. Við 104. gr. (verður 106. gr.).

a) 1. mgr. greinarinnar orðist svo:

Óheimilt er að úthluta af fjármunum félagsins til hluthafa nema það fari fram eftir reglum um úthlutun arðs, sem endurgreiðsla vegna lækkunar hlutafjár eða varasjóðs eða vegna félagsslita.

b) 2. mgr. greinarinnar falli niður.

50. Við 105. gr. (verður 107. gr.). Síðari málsliður 1. mgr. orðist svo:  
Nú nemur varasjóður ekki einum tíunda hluta af hlutafénu, og má þá ekki greiða hærrí arð en sem nemur þeim hundraðshluta af greiddu hlutafé, sem svarar til vaxta á almennum sparisjóðsbókum, sbr. og 43. gr.
51. Við 106. gr. (verður 108. gr.). 1. másl. 1. mgr. orðist svo:  
Minnst tíu hundraðshluta þess árságóða, sem ekki fer til þess að jafna hugsanlegt tap fyrri ára og ekki er lagt í aðra lögbundna sjóði, skal leggja í varasjóð, uns hann nemur tíu hundraðshlutum hlutafjárins.
52. Við 107. gr. (verður 109. gr.). Í stað orðanna „geta krafist þess á aðalfundi“ í fyrri málslið 2. mgr. komi orðin: eiga á aðalfundi kröfu til þess.
53. Við 108. gr. (verður 110. gr.). Í stað orðanna „með vöxtum“ í 1. mgr. komi orðin: með vöxtum, er séu jafnháir vöxtum á almennum sparisjóðsbókum.
54. Við 110. gr. (verður 112. gr.).  
a) Í stað orðsins „hlutaféð“ í fyrri málslið 1. mgr. komi orðin: bundið eigið fé.  
b) Síðari málsliður 3. mgr. orðist svo: Ákvæðum 1. mgr. verður ekki beitt um hlutafélagabanka.
55. Við 112. gr. (verður 114. gr.). 2. töluliður 3. mgr. orðist svo:  
Ef hluthafar verða færri en fimm.
56. Við 113. gr. (verður 115. gr.). Greinin orðist svo:  
Hluthafar, sem ráða yfir 1/5 hluta hlutafjárins, geta krafist þess, að félagi sé slitið með dómi, ef hluthafar hafa af ásetningi misnotað aðstöðu sína í félaginu eða tekið þátt í brotum á lögum þessum eða samþykktum félags.
57. Við 121. gr. (verður 123. gr.). 2. mgr. greinarinnar orðist svo:  
Skilanefnd sendir hlutafélagaskrá bækur félags og gögn, er afhendir þau Þjóðskjalasafni Íslands til varðveislu.
58. Við 131. gr. (verður 133. gr.). Í stað „1/10“ í 2. mgr. komi: 1/5.
59. Við 132. gr. (verður 134. gr.). Í stað orðanna „innan tveggja ára frá því, að endurskoðunin var gerð og lögð fram á aðalfundi“ í c-lið 1. mgr. komi orðin: innan tveggja ára frá því, að endurskoðun lauk og endurskoðunarskýrsla eða vifirlýsing lögð fram.
60. Við 143. gr. (verður 141. gr.). 2. mgr. greinarinnar orðist svo:  
Ráðherra setur nánari reglur um skipulag hlutafélagaskrár og skráningargjöld. Ráðherra er heimilt að veita almennan aðgang að skránni, þ. m. t. reikningum hlutafélaga.
61. Við 149. gr. (verður 151. gr.). Í stað orðsins „reikningum“ í 1. tölulið greinarinnar komi orðið: ársreikningi.
62. Við 154. gr. (verður 156. gr.) Greinin orðist svo:  
Lög þessi öðlast gildi 1. janúar 1980. Ákvæði 3. mgr. 1. gr. um lágmarksfjárhæð hlutafjár öðlist gildi þegar í stað. Ákvæði XII. kafla um ársreikning taka gildi fyrir það reikningsár, sem hefst á árinu 1979. Ákvæði 82. gr. um skyldu hlutafélaga til að hafa löggiltan endurskoðanda og ákvæði 104. gr. um skyldu til að gera samstæðureikning koma til framkvæmda 1. janúar 1982.